

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ
ՁԵՐԲԱԿԱԼՎԱԾ ԱՆՁԱՆՑ ՊԱՇՏԵԼՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1436

24.07.2014թվ.


ՀՀ Ոստիկանության պետ,
գեներալ-լեյտենանտ
պարոն՝ Վ. Գասպարյանին

Հարգելի պարոն Գասպարյան,

Դիտորդական խմբի ինչպես նախորդ տարիների, այնպես էլ 2014թ-ի մոնիթորինգի արդյունքները ցույց են տվել, որ Խոշտանգումների և անմարդկային արժանապատվությունը նվաստացնող վերաբերմունքի կամ պատժի կանխարգելման Եվրոպական կոմիտեի պահանջը՝ <<Սննդի առումով, պայմանավորվածություն էր ձեռք բերվել ոստիկանության հետ, որ ՁՊՎ-ում պահվող անձին պետք է ապահովեն օրեկան 3 անգամյա սնունդ, ներառյալ մեկ տաք սնունդ>> չի պահպանվում: Այն էլ այն դեպքում, որ արդեն 2 անգամ բարձրացվել է ՁՊՎ-ում անվճար սննդով ապահովվելու սննդի գումարի չափը:


Խնդրում ենք Դիտորդական խմբին տեղեկացնել ՁՊՎ-ում պահվող անձանց անվճար սննդով ապահովելու սննդի համար նախատեսված գումարի վերահաշվարկը ինչ սկզբունքներով է իրականացվել և ինչ չափանիշներ են հաշվի առնվել:

Խնդրում ենք տալ մեկնաբանություն ներկայացվածի վերաբերյալ:



Հարգանքներով՝

ՀՀ ոստիկանության համակարգի ձեռքակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝



Հ. Սահակյան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երևան, Նալբանդյան 130 հեռ. 59-65-94

N- 2/2-1-1946

« 13 » 08 2014թ.

Ձեր՝ 24.07.2014թ. թիվ 2621/1436 գր.

ՀՀ ոստիկանության համակարգի ձերբակալված անձանց պահելու վայրերում վերահսկողություն իրականացնող հասարակական դիտորդների, խմբի նախագահ

Հասմիկ Սահակյանին

Հարգելի տիկին Սահակյան

Ձեր 24.07.2014թ. 2621/1436 գրությունը քննարկվել է ՀՀ ոստիկանության շտաբում և ֆինանսաբյուջետային վարչությունում:

ՀՀ ոստիկանությունը ղեկավարվում է ՀՀ կառավարության 05.06.2008թ թիվ 574-Ն որոշման պահանջներով և անշեղորեն կատարում է «Խոշտանգումների և անմարդկային արժանապատվությունը նվաստացնող Եվրոպական կոմիտեի» պահանջը: Հիշյալ որոշման համաձայն՝ ՀՀ ոստիկանության համակարգում գործող ՁՊՎ-ներում պահվող անձանց օրական երեք անգամ (նախաճաշ, ճաշ, ընթրիք) տրամադրվում է անվճար սնունդ (ներառյալ մեկ տաք սնունդ):

Եզակի դեպքերում խնդիրներ են առաջանում սահմանամերձ շրջանների ոստիկանության բաժինների ՁՊՎ-ներում՝ սնունդ մատակարարող ընկերությունների կողմից նման հնարավորություն չունենալու պատճառով, սակայն դրանք կարճ ժամանակում ստանում են իրենց դրական լուծումը:

Անվճար սննդով ապահովելու համար հաշվարկված գումարի չափի և դրա հաշվարկման հիմք են հանդիսացել մեկ անձին հասանելիք օրական սննդի ձեռք բերման համար ՀՀ կառավարության 15.05.2003թ. թիվ 587-Ն որոշմամբ սահմանված չափաբաժինները, ինչպես նաև յուրաքանչյուր տարվա համար ձեռքբերվելիք սննդամթերքի պայմանագրային գները:

ՀՀ ոստիկանության շտաբ